

(ciep geizgonq)

Aenvih gangjavah cab Cuengh, gou deng mbanj lauxsae riu gvaq, deng baengzyoux Bouxgun riu gvaq, hix dwg aenvih cab Cuengh, youq diegrog, gou baez gangj coenz vah bujdunghva Vahgun, vunz couh naeuz gou dwg vunz “liengjguengj” (Guengjdoeng caeuq Guengjsae), caen mbouj cwxcaih ha! Vihliux hag ndei vah bujdunghva Vahgun, gou boux gaenq 40 bi neix, lumj lwgnyez hag gangj vah nei roengzrengz hag lienh fat sing, lienh ndaej aenbak naetnaiq liux, diuzlinx hwnj bop, mizseiz youq ndaw fangzhwnz lij daihsing gangj vah bujdunghva Vahgun. Hai, caen hojlienx lai lo, yienghneix doxdingj baez nanz, aenlinx caeuq heuj doxmoeb hwnjdaej, ukgyaeuj luenh liux, naengbak doxdaj, aengyauej raengrwd, gig nanzsauh ha!

Baihdoeng ndit ok baihsae fwn doek, naeuz dwg fouzcingz goj mizcingz. Mwh bungzdaengz boux caeuq gou ityiengh gangj vah cab Cuengh seiz, aen’uk gou yaepyet couh singj gvaqdaej, miz cingsaenz raixcaix, lohnaemj gou doengradrad, gangj gij vah hwnjdaej myaiz sinzcancan, raeuzradrad, cingsaenz dangqmaz. Yienghneix, gou rox daengz aen dauhleix ndeu daej: Cab Cuengh dwg boux cab Cuengh dou ndawde miz diuz cag lamh dou ndeu, dwg gij cingzgamj doxbaengh gyoengq Bouxcuengh gangj vah cab Cuengh dou, hix dwg sing Cuengh caem youq ndaw sim gyoengq Bouxcuengh gangj vah cab Cuengh dou, dwg aensingq gyoengq Bouxcuengh gangj vah cab Cuengh byaij baek gvaq namz dou.

Youq gwnz dieg cab Cuengh raeuz, miz gij sing gyoengq lwgnyez doxheuh doxiu de, miz gij vah daxmeh youq laj yiemhranz doxdaengq de, miz baenz aensim gyoengqvunz mbanjranz de, miz gij vah doxdaengq doxnai mehyah bouxlwg de. Cab Cuengh lumj aensim deng daengngoenz dak ndaej raeujrup nei, lumj ciengz raemxfwn rwd gomiuz nei, lumj aengangjvanh baujhoh aenruz iq nei! Mboujlwnh



youq baihbaek baihnanz, roxnaeuz dwg youq gwnzbiengz gizgyawj

gizgyae, cab Cuengh gizgiz cungj youq, gizgiz cungj miz, de hawj gij vunz cab Cuengh boux najseng youq doxliz cien bya fanh haij bienq ndaej

caenndiep doxsug, hix sawj bouxvunz cab Cuengh youq gwnzroen liyouz gig baeg gig naiq haenx daiq daej raeujrub, daiq daej angqyangz.

Seizneix, gou mbouj caiq aenvih gangj vah cab Cuengh couh gag yawj mbouj hwnj swheij, hix mbouj aenvih gangj vah bujdunghva Vahgun vunz dingq mbouj rox couh nanzgvaq, gou vih Bouxcuengh miz Vahcuengh swheij gamjdaengz miznaj: Gou mbouj nyinhnaeuz cab Cuengh couh dwg huk, hix mbouj nyinhnaeuz cab Cuengh couh boihseiz, engq mbouj nyinhnaeuz cab Cuengh couh najdaemq vunz mbaek ndeu, aenvih Vahcuengh dwg vahcoj Bouxcuengh, coj raeuz hawj gyoengq lwglan lwgminz Bouxcuengh caeuq bouxwnq doxgangj doxgyau.

Vahcuengh, gou gyaenz mwngz ndiep mwngz; cab Cuengh, gou mbouj caiq najmong, mbouj caiq doeknaiq. (sat)

Lwg: Siujhanz rumzhuhu,
Gou hawj cuz sij saenq;
Cuz ndang ak cingsaenz,
Lwg cix maengq baenz maz.

Cuz: Lwglan aeu liengzsim,
Nyinh sij saenq ma caz;
Cuz nienzgeij goujhaj,
Baenaj rox maz yiengh.

Lwg: Seiq bi boh gou dai,
Baengh cuz daiq daengz hung;
Seizneix gou baenzvunz,
Mbouj lumz aencingz cuz.

Cuz: Boh mwngz sambet bae,
Meh samngeih guhmaiq;
Seng sou caet lwgsai,
Yaek rim daiz vunz ndeu.

Lwg: Cuz bineix goujhaj,
Gou hix ma caetbet;
Cieng geiq ngaenz haj bek(bak),
Simget hix di neix.

Cuz: Lan dajgoeng haj bei(bi),

Fung Saenqranz Ndeu

一封家信

□Lanz Hangvangh/蓝汉光

Guh ndaej seiq caengz laeuz;
Ranz miz cienz miz haeux,
Ndi aeuheiq gijmaz.

Lwg: Najleix hab lai yaiz,
Daengz dai ndi yungh hauq;
Guh sam seiq haemh dauh,
Saiq gim bauj geijlai.

Cuz: Najleix gwn ndei di,
Dai gaej heiq guh dauh;
Rom cienz lan gauhgauj,
Cog lau dauq mizfuk.

Lwg: Lauxcuz gangj ndaej ndei,
Coenz neix dauhleix cingq;
Hoj mbouj ndaej saenq mingh,
Bingh mbouj ndaej saenq fangz.

Cuz: Ciuhvunz cingq seiq neix,
Seiq daihngaih nanz bungz;
Ndae hoengq ma dajcunz,
Mbouj ndaej lumz diegcoj.

Lwg: Diegcoj ciengx gou hung,
Ma cunz dwg dauhleix;
Ranz miz nuengx miz beix,
Cieng neix baema cunz.

Cuz: Dangj goengdaek rim doengh,
Goengloh doeng daengz mbanj;
Beksingq bouxbox danq,
Riengz dangj miz vuenyungz.

Lwg: Dou hai ci baema,
Bwh miz bya miz haeux;
Haj daih vunz gingq laeuj,
Hoh cuz gyaen bak bi.

Bi 1965 ndwen 4 ngoenz 9, 《Yinzminz Yizbau》 ciuq gij saeh Yungzyen sawq ndaem go’nywj-vahoengz ndaej baenzgoeng caeuq Guengjsae gvangqlangh doihengz gofoed seizdoeng ndaem haenx fatbiuj le 3 bien faenzcieng. Bien ndeu dwg 《Buqcawz Maezsang, Aeueiq Gohyojz》, bingzlwng gij sawqniemh diegcungqyang Guengjsae caeuq diegnamz Guengjsae sawq ndaem go’nywjvahoengz ndaej baenzgoeng haenx, nyinhnaeuz “gijneix dwg gij cosih youqgaenj vunzlai bonjdieg daezsang nungzyez swngheicah haenx, caemh dwg gienh saehlaux guek raeuz dieg baihnanz Vujlingj nungzyez fazcanj lizsij gwnzde ndaej daihlig senhconz ndeu.” Bien ndeu dwg 《Guengjsae Gvangqlangh Ndaem Go-nywjvahoengz Caeuq Gosausw Ndae Baenzgoeng》, bauqnaeuz Gvangjsih

Yungzyen genhciz gohyoz sawqniemh, cungbuq gij “dieggimq” ndaem gofoed haenx, guh baenz boux buengjiyengh hawj guek raeuz baihnanz mbanj dieg ndaem gofoed, cauh baenz diuzgienh hawj nungzyez ndaej okonj oklai. Bien ndeu dwg 《Go’nywjvahoengz Baenzlawz Ndae Gvaq Vujlingj》, gaisau le Yungzyen Yenveij youq sawq ndaem gofoed ginggvaq gij

daidu、fuengfap、naemjap haenx, gaisau le gij cingzvang Gvangjsih fazcanj seizdoeng ndaem gofoed haenx, naeuz Gvangjsih gaxgonq miz “naz seizdoeng youq mbwq youq hoengq” daiqlai, seizneix gaenq ndaej “ndaem gofoed baenz cienfanh moux doxhwnj”, gij dieg gaxgonq deng dangq “dieggimq” haenx, “seizneix gaenq hai doh vahoengz”. Sam bien

faenzcieng neix ciemq bae 3/4 bienfuk banj daih 3. 《Yinzminz Yizbau》 guh yienghneix yienhda bauqnaeuz Gvangjsih ndaem gofoed, saedcaih noix raen.

Gij cien lai fanh moux reih goofed neix, doiq Gvangjsih dauqfuk caeuq fazcanj haeuxgwn swngheicah ok liux rengz hung.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz